

自治外蒙古

張一麇題

自治外蒙古

根一處題

致徑

用世

梁啓超題

自治外蒙古

目錄

緒論

第一章 外蒙之獨立與俄國之干涉

第一節 獨立之經過及其原因

第二節 獨立和解之困難

第三節 俄之謀外蒙

第四節 俄與外蒙私訂條約

第五節 外蒙西藏私訂條約

第二章 中俄外蒙之訂約

第一節 交涉之經過與議會之會議

第二節 聲明文件之訂定

第三節 恰克圖會議之經過

第四節 條約之公布及其善後事宜

第三章 論劃界事宜

第一節 總論

第二節 論唐努烏梁海

第三節 論阿爾泰烏梁海

第四章 外蒙古及科布多各部之略史

第一節 外蒙古喀爾喀四部

第二節 科布多特爾伯特部

自治外蒙古

當湖屈 熾纂

緒論

懸五色之旌於國門而揭。鑿其名曰五族何所見之小也。夫同戴一尊同履一土遠者已將。千年近者亦逾百稔一族可矣奚爲而區以五耶中華立國數千年來遞相嬗變種族本極。繁雜至今苗民土司之於西南兀良哈族之於西北決難包含於五族之內同爲共和國民。又奚爲不六七其族耶要之強分彼此者乃他人離間之詞非吾曹兄弟所宜出此也他族。且勿論論蒙古當元世祖入主中夏以後幾及百載蒙古土地已併合於中國故其舊都和林。與中國各路同置行省疆域所屆北接俄西迄歐東南盡海皆爲一國之土地此百年內。蒙古人之散處內地者固早同化於我而我四億萬同族中其爲蒙古人子孫者亦已遍布。於江淮河漢間矣元政不綱明太祖放逐順帝於漠北於是統一之中國至此復分爲二此。就歷史而論元順帝之北徙關外猶宋高宗之南渡杭州由一統之局變爲偏安之局而就。當時大勢而論則關以北爲元關以南爲明不啻一南北朝已耳非我中國之祇有明不有。元也況當順帝出奔之際漢族子臣惓惓於故主之情從而出古北口者人數甚夥至今蒙。古人中其爲我漢族後裔亦當不尠嗣後元順帝薨其大汗位曾十九傳至崇禎七年汗林。

丹死始爲清所滅。復越九年而明社亦屋。康熙乾隆之際。邊地大定。於是中國之土地復完。全爲滿清所統。一由此以觀我漢族與蒙古之關係。在歷史上不能區分兩族。已可斷言。而其地之隸中國版圖者。斷自元後。亦已七百年於茲矣。又豈可謂非中國之本部乎。頃者國體變革。不幸忽有外蒙獨立之事。夫外蒙之汗王公世爵。皆元順帝之苗裔。當亦思乃祖乃宗。君臨中原以來。與中國關係之切。何忍棄數百年弟兄之好。而爲此夜郎自大之舉。良以晚清未造。朝政不修。甲午以降。全國土地浸至爲外人勢力所範圍。自日俄戰後。俄在南滿所獲之權利。盡爲日人所攙奪。於是不得逞志於我東北者。遂急轉於我西北外蒙之地。適當厥衝。其視爲刀俎之肉。固匪伊朝夕矣。特是他人掌中之物。一旦欲奪而歸。諸己。究非公理之所能容。故第一步必先使他人之物。一變而爲無主之物。而後第二步始可由無主之物再變而爲己之所有。晚近滅國新法。大都如斯果也。盤旋已久。乃有今茲之機會。此其出死力以相慫恿。當爲天下人所共見。獨怪以宗教關係之活佛。何遽爲甘言所誘惑。而遂南面稱孤。作他人之傀儡。試思八十六旗之地。兵力幾何。財力幾何。人才幾何。喜獨立之美名。忘利權之旁溢。稍有不慎。直將使幹歌歹之子孫。盡爲哥薩克之臣僕。而後已。豈不可恫惜乎其不能一悟也。方且舉兵內犯。又復併合科布多。唐努烏梁海。以去。卒有民國四年六月。

七日。恰克圖之條約。於是庫倫自治官府巍然成立。嗚呼。吾恐不十年後。而高岸深谷。尙不知變更。至於何地也。夫外蒙之有貳心於中國。實釀之於有清。本不足爲民國咎。然以兄弟鬩牆之舉。而不得不聽第三國之公然指揮於其間。太阿倒持。主客互置。其尙能爲自主之國乎。哀我邦人。率以邊徼之事。如秦人視越人之肥瘠。漠然無動於中。而事過境遷。又淡焉其若忘。此卽莊子所謂哀莫大於心死者也。不揣固陋。輒復搜集前事彙輯一書。首二章言外蒙獨立與俄人之關係。至我承認其自治而與蒙俄訂結條約止。爲歷史上一大因革三章。論日後劃界事宜。應注意於唐努烏梁海及阿爾泰烏梁海四章。述外蒙及科布多各旗成立之由來。以明歷史上之關係。願我國人。一省覽焉。

參考各書

大清會典

元史

聖武記

元祕史

理藩部則例

蒙古源流

各輿圖

蒙古游牧記

中俄界約輯注 近人錢恂著

蒙兀兒史記 近人屠寄著

中俄國際約注 近人施紹常著

東華錄

現代蒙古俄人著

自治外蒙古

三

藩部要略

蒙古及蒙古人俄人著

耆獻類徵

極東近時外交史日本巽來治郎著

開國方略

中外各報各公文

第一章 外蒙獨立與俄國之干涉

第一節 獨立之經過及其原因

辛亥之秋。武昌倡義。各省響應。不半年而清廷遜位。國號共和。革數千年之帝制。成大一統之民國。寧非有史以來第一快事耶。而豈知外蒙科布多。萬五千里之地。乘隙而動。其主權已悉落於他人之手。將一蹶而不可復振耶。本書之箸。所以紀其事也。茲先將庫倫首先發難之事迹述之。

辛亥十月初十日。庫倫辦事大臣三多。忽接外蒙四部王公等呈稱。現聞內地各省相繼獨立。革命黨人已帶兵取道張家口來庫。希圖擾亂蒙疆。我喀爾喀四部蒙衆受大清恩惠二百餘年。不忍坐視。我佛哲布尊丹巴呼圖克圖已傳檄徵調四盟騎兵四千名進京保護大清皇帝。請即日按照人數發給糧餉槍械。以便啓行。是否照准。限本日三小時內明白批示。三多接呈後。倉皇不知所措。嗣哲布尊復派使來稱。奉我佛哲布尊諭。本日午後各王公所

遞之呈。尙未奉批。想難邀准。刻本蒙古已定宗旨。將蒙古全土自行保護。定爲大蒙古獨立帝國。公推哲布尊爲大皇帝。不日登極。惟因與貴大臣有私誼。不忍用強。特請貴大臣明日卽速帶同文武官員兵丁等出境。如願取道台站。本蒙古仍照舊供給等語。三多以電奏請示答之。至晚忽又接哲布尊札飭一道。言我蒙古自康熙年間隸入版圖。所受歷朝恩遇。不爲不厚。乃近年以來。滿洲官員對於我蒙古欺凌虐待。言之痛心。今內地各省既皆相繼獨立。脫離滿洲。我蒙古爲保護土地宗教起見。亦應宣布獨立。以期萬全。現已由四盟公推本哲布尊丹巴呼圖克圖爲大蒙古獨立國大皇帝。不日卽當御極庫倫地方。已無需用中國官員之處。自應卽時全數驅逐。以杜後患。合行札飭。札到該三多卽便凜遵。限三日內帶同文武官員暨馬步兵隊趕速出境。不准逗遛。如敢故違。卽以兵力押解回籍。此飭云云。三多傳集署員籌議對待之策。然駐庫兵丁除派遣他處外。僅得一百三十人槍械既極窳舊。子彈尤形缺乏。知無抵抗之力。翌晨俄蒙兵來迫令繳械。勢甚洶湧。抵晚俄總領事遣人見三多云。此次蒙古王公不肯聽從敝國總領事之勸阻。致忽生獨立之暴動。想貴大臣不免受驚。蒙情叵測。如仍居官署恐有他虞。敝署已備有房屋。擬請貴大臣率同眷屬暨屬員等遷往暫住。以便保護。然後再定行期。三多諾之。至十五日俄署派兵十餘名護送。三多等出境。

前往恰克圖。取道西伯利亞。回京。至十九日。哲布尊。遂行登極禮。冠黃冠。御黃袍。蒞黃幄。同其妻額爾多尼。詣北廟受賀。稱大蒙古國。以共戴爲年號。文武官員均服蟒。設立政府。以二達喇嘛。車林齊密特爲內閣總理。三音諾彥。汗南木囊蘇倫爲副總理。其下設內務。外交。兵務。財政。司法。五部。並立上下兩議院。是時烏里雅蘇臺及呼倫亦皆響應。相繼獨立。聲勢益大。此事傳布至足。令人驚駭。蓋蒙古本無君主。汗王之封。僅係爵制。其有地方之責者。大則盟長。小則一旗之札薩克。均無統一外蒙之資格。與舊時藩屬朝鮮。越南有君主而修朝貢者。情形迥殊。彼哲布尊丹巴呼圖克圖。亦僅係外蒙黃教之主。其尊崇不如羅馬教皇。何能創立一國。自稱大汗。且欲成立國家者。必國勢極強。盛財力極充裕。有大政治家以爲開創之主。而後可苟其不然。何以立國。而外蒙果何如。

一、軍事未備也。蒙古舊例。每屆三年。比較人口一次。謂之比丁。凡年歲在六十以下十八以上者。皆編入丁冊。每三丁給與甲一副。例所謂三丁披一甲是也。遇有出征等事。以二丁差遣。一丁留家。外蒙久無戰事。所名爲兵者。不過循例戍防及保護馬廠駝廠等用而已。獨立之初。哲布尊始檄四汗。各出兵千。復招集鬍匪二千人。以之分路進攻。並守要隘。其新舊各兵。皆不知槍械之用。嗣又分諭四部各徵兵萬。然倉卒徵募之兵。是何異驅市人而使之。

戰。且其統兵各員。若白差爾。若乞卡爾。若陶什陶。皆係鬍匪首領。是軍事之未備。已可知矣。二、財力支絀也。舊例蒙古王公台吉等。每年向屬下徵收。數極有限。凡有五牛以上之人。及有二十隻羊者。均取羊一只。有四十隻羊者。取羊二隻。四十隻以上。雖多不准增取。有兩牛之人。取米六釜。有一牛者。取米三釜。其進貢會盟移營嫁娶等事。百家以上者。於十家內取馬一匹。牛車一輛。有三隻乳牛以上者。取奶子一肚。有五隻乳牛以上者。取奶子酒一瓶。有百隻羊以上者。增取氈子一條。照此定額。如多徵者罪之。其他捐稅。數尤無多。是外蒙本無入款。此次新招各兵。其鬍兵係每人月給餉銀十五元。而各蒙旗所撥之兵。則每人月給羊三隻。磚茶半塊。復以需用軍器。特在俄國購辦。價值至百數十萬元。此等經費。從何籌撥。是財力之支絀可知。

三、人才缺乏也。晚近國家均以政教分離為治本。今舉活佛為可汗以教主而牽入政局。已非立國之至計。況第八世活佛荒淫無道。及據俄人所著蒙古人所載何能勝南面之任。至若內閣首長彼輩僉議以原來之汗王為之。不知各王公中自乾隆以來世襲封爵類皆養尊處優。未嘗學問。即偶一來京值班稍稍習中國故事。而於世界之大勢仍極瞢然。其任事之不至於竭蹶者。幾希。此外無賴之徒。若陶什陶。若海森。皆係侵擾邊圉。為我政府拿捕之人。而陶

什陶則授以台吉。並將使之爲陸軍大臣。海森則爲內務次長。並授王爵。是其人才之缺乏。亦可知已。

有此三者。是外蒙不能自成一國。已可概見。而竟敢貿然獨立者。尋繹原因。則在清廷撫馭之不得其宜。按蒙邊官制置庫倫辦事大臣烏里雅蘇臺將軍科布多參贊大臣。

晚清添置阿爾泰辦

多事大臣析科布多十旗隸之

其事權之重。位望之隆。與漢之度遼將軍使匈奴中郎將護烏桓校尉。唐之

安北單于諸都護。明之九邊督撫。相埒乃道光以來。任斯寄者。非保舉之旗員。卽左遷之大吏。其庫倫大臣一席。尤以美缺著稱。每歲進款在五十萬兩以上。滿員營謀者。非二十萬金不能得也。以故近百年中。從不聞有鉤考利病研究方輿著爲一編。貢獻祖國上備國家籌邊之計。下供士夫讀書之用。而貪財嗜利習焉成風。其見於邸報者。如庫倫辦事大臣桂斌。德麟。樸壽。烏里雅蘇臺將軍湍多布。科布多參贊大臣瑞洵等。皆是最近宣統二年二月初一日。三多赴任。適值中央各機關督促舉辦新政。文電交馳。急於星火。於是設兵備處。設巡防營。設木捐總分局。設衛生總分局。設墾務局。設商務調查局。設實業調查局。設男女小學堂。除原有之滿蒙大臣衙門。章京衙門。印房。宣化防營。統捐。巡警。郵政。電報。各局外。庫倫一城。新添局所二十餘處。所有各機關之開辦經費。及經常應需之柴炭器具。鋪墊馬匹雜用。

等費悉數責令蒙古一律供給蒙官取之於蒙民蒙民不堪其擾相率逃避近城各旗爲之一空是年十二月軍諮府派專員唐某來庫練兵擴充兵備處隨帶僚屬書記家丁等六七人衛兵三十餘名視事之初卽大興土木選東營迤邐北都慶地方築新式兵營一座房屋四百餘間而此百餘人之柴炭器具馬匹等亦復照例責令蒙古常川供給蒙民莫名其妙但覺負擔日增將無已時各王公驚疑益甚於是始有叛清之志三年五月哲布尊藉會盟爲名招集外四盟在庫倫密議獨立事其意在借俄力以爲抵制經衆贊成署名越數日遂密遣杭達多爾濟車林齊密特等赴俄求保護並許以利權七月駐京俄使果以取銷庫倫一切新政爲言於是部電三多略云准駐京俄使文稱奉本國政府電現庫倫王公喇嘛多人持書向本政府求援聲稱中國在庫倫地方舉辦練兵興學開墾加稅各新政蒙情不服迭懇裁免中國官吏不肯允准不得已請本政府派兵救援等語查庫倫與本國邊境接近中國應念中俄睦誼將上項新政卽日停辦以釋蒙人疑懼否則俄國不能漠視當在邊界地方籌一對待辦法云云三多駐節庫倫耳目甚近竟未聞有開會密議事糊塗之咎百喙奚解及接部電乃大驚失色於是傳商卓特巴巴特瑪多爾濟來署譯示原電並窮究當日會議何人主謀何人赴俄巴特瑪不敢隱始盡情吐露三多遂要求哲布尊發電阻止俄

兵並立。召杭達多爾濟等回庫。再四磋商。誓布尊始。允發電。惟要求停止各項新政。並免治赴俄諸人之罪。三多據情入奏。奉旨允准。會武昌起師。蒙聞信後。亦復蠢蠢欲動。唐某知勢不佳。託詞引退。外蒙復力請裁撤兵備。處十月初六日。內閣復電照准。似外蒙叛清之舉。可稍殺矣。然是時外蒙既託庇於俄。卽爲俄所迫。脅獨立之舉。勢不可遏。卒有上述。十月初十日之飭文。在蒙人之意。以爲有強大之俄鄰。足資倚賴。則不懼母國之侵伐。而可蔚然自成。一國雖一時隸俄人保護權之下。亦所甘心。而俄人則因一時不能併吞外蒙。故先以獨立美名詞。誘其脫離中國。與甲午之役。朝鮮獨立故事。如出一轍。良因獨立以至合邦。必須累月經年。安排妥貼。循一定之途徑。期一定之機遇。而後可以行之。而無阻。外蒙本無君主。與朝鮮國情。雖屬不同。而俄人之欲師其故智。殆亦意中事耳。故今茲之獨立。蒙俄之宗旨。雖同。而其目的。則遠不相侔。吾知外蒙人必有嚙臍無及之日矣。

第二節 獨立和解之困難

外蒙獨立之初。事起倉卒。無兵無餉。本難持久。政府爲籌邊計。或則立遣勁旅。直渡漠北。或則急選使才。從事和解。皆不失爲一策。乃二三月來。中蒙兩方信息扞隔。既不顧問。亦無辦法。逮至民國元年二月。始接庫倫來電。曰前因不堪清朝虐待之苦。故逐其貪官污吏。宣布

獨立頃者接南京各處來電知滿清皇帝業已退位漢族業已宣布獨立實深慶幸惟蒙族漢族程度不一情形不同自以別立一國爲當現在蒙古已建立國家定爲君主政體舉活佛爲皇帝華商在蒙古者依舊待遇特此電聞嗣政府以大總統名義直電哲布尊反覆曉以利害其文曰外蒙同爲中華民族數百年來儼如一家現在時局阨邊事日棘萬無可分之理貴喇嘛慈愛羣生宅心公溥用特詳述利害以免誤會各洲獨立之國必其人民財賦兵力政治皆足自存乃可成一國而不爲外人所吞噬蒙古地面雖廣人數過少合各蒙計之尙不如內地一小省之數以蒙民生計窘迫財賦所入至微外蒙壯丁日求一飽尙不可得今乃欲責令設官養兵購械諸費不背畔則填溝壑何所取給若借之於人則太阿倒持必至喧賓奪主又自奉黃教以來好生忌殺已成天性各部箭丁祇知騎射刀矛尙不能備何能槍礮欲設攻戰必無可恃政治則沿貴族之制行政司法以較各洲強國萬無可企更難自立且各蒙並未盡能服從貴喇嘛號令所及者僅圖庫賽音三部且聞尙未盡服閱時稍久人怨財匱大衆離心雖悔何及試問百年以來凡近於蒙古而不隸中國之蒙回各部有一自存者否有不爲人郡縣者否各蒙與漢境唇齒相依猶堂輿之於庭戶合則兩利離則兩傷今論全國力量足以化外蒙之貧弱爲富強置於安全之域舊日糝政當此新基

創始自必力爲掃除。此外若有要求，但能取銷獨立，皆可商酌。貴喇嘛識見通達，必能審擇禍福，切勿惑於邪說，貽外蒙無窮之禍。竭誠致告，卽希見復。旋得庫倫復電曰：頃承電示，諄諄告誡，感愧莫名。客冬外蒙以時勢危迫，宣布獨立，共推本哲布尊丹巴呼圖克圖爲蒙古國君主，不得已俯順輿情，已允其請，佈告中外，良用歉然。此次起義，本爲保種保教，保全領土起見，益非別有希冀，亦非惑於邪說，實困於虐政耳。所謂外蒙人數過少，貧弱已極，並不知兵難期立國，均屬實情。足徵大總統策畫至遠，轉危爲安，秦鏡高懸，無微不至。至禍福利害，惟仰貴大總統曲體與否，倘荷玉成，俾資勤修內政，敦睦邦交，妥籌邊防，鞏固國基，則不惟外蒙得以保全，卽中國亦無北顧之憂矣。本哲布尊丹巴生雖不敏，亦知處隣之道，端在樂天畏天，言念及此，殊深翹企。如云殺人盈城，盈野，率土地而食人肉，仁者不爲。文明大國亦不忍言此。外蒙僻處絕域，逼近強鄰，勢如累卵，四皆強霸，倘有不虞，必爲臺灣朝鮮之續。中國遠隔海隅，鞭長莫及，軍民雖衆，恐將無所用之外。蒙閒於列強，進退維谷，苟不獨立，何以自存。本哲布尊丹巴呼圖克圖舍獨立，猶棄敝屣，但獨立自主，係在清帝辭政以前，業經布告中外，起滅何能自由，必願如此。請卽商諸鄰邦，杜絕責議。方今時勢，外蒙之存亡，在公之操縱，操之過激，不潰卽溢，則何異於爲叢驅爵，尙希廣發佛心，大施汲引，玉成此舉，以免